



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel. (032) 878-877*

*fax (032) 879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

---

## UPRAVNI ODBOR

Broj:01-2.16-3419/24

Datum:04.09.2024. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), na svojoj 77. sjednici održanoj dana 04.09.2024. godine, donosi

### ODLUKU

o izboru najpovoljnijeg ponuđača za nabavku  
štampanog kancelarijskog materijala – LOT 2 - KNJIGE

#### Član 1.

Okvirni sporazum za nabavku štampanog kancelarijskog materijala – LOT 2 - KNJIGE za JU «Dom zdravlja» Zavidovići za 12 mjeseci, dodjeljuje se ponuđaču **ŠTAMPARIJA FOJNICA d.d. Fojnica.**

#### Član 2.

Ponuda ponuđača **ŠTAMPARIJA FOJNICA d.d. Fojnica**, u provedenom konkurentskom zahtjevu za dostavu ponuda, bila je prihvatljiva ponuda i nakon održane e-aukcije imala je najnižu cijenu, te će se ovom ponuđaču ponuditi Okvirni sporazum za nabavku štampanog kancelarijskog materijala – LOT 2 - KNJIGE za JU „Dom zdravlja“ Zavidovići, u ukupnom iznosu od **7.380,00 KM bez PDV-a**, što sa PDV-om iznosi 8.634,60 KM.

#### Član 3.

Drugi po rangu, nakon provedene e-aukcije, bio je ponuđač **SVJETLOST BH PRINT d.o.o. Sarajevo**, sa ukupnom cijenom ponude u iznosu od 7.381,65 KM bez PDV-a.

#### Član 4.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

#### Član 5.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

- a) Aktuelni izvod/izvod iz sudskog registra ili rješenje o registraciji djelatnosti.

#### Član 6.

Izabrani ponuđač ne mora dostaviti original ili ovjerene fotokopije dokumentacije iz člana 5. ove odluke iz razloga jer je u ponudi dostavio ovjerenu fotokopiju sljedećeg dokumenta:

- a) Aktuelni izvod iz sudskog registra, broj: 051-0-RegZ-24-001106 od 04.07.2024. godine - ovjerena fotokopija od 30.07.2024. godine.

Dokument naveden u stavu 1. ovog člana evidentiran je u Zapisniku o pregledu i ocjeni ponuda, broj: 01-2.13-3249/24, a u Tenderskoj dokumentaciji, broj: 01-2.12-2906/24 od 25.07.2024. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., je propisano: „Ponuđač može u ponudi dostaviti ovjerenu fotokopiju dokumentacije iz podtački 2.1. i 2.2. ove tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.“

#### Član 7.

Ova odluka stupa na snagu danom donošenja.

#### *Obrazloženje*

Obavještenjem o nabavci br. 638-7-1-235-3-105/24 koje je objavljeno na portalu javnih nabavki dana 25.07.2024. godine i u "Službenom glasniku BiH" br.53 od 02.08.2024. godine, objavljen je postupak javne nabavke štampanog kancelarijskog materijala za JU «Dom zdravlja» Zavidovići za 12 mjeseci putem konkurentskog zahtjeva.

Tendersku dokumentaciju za predmetnu nabavku sa portala javnih nabavki preuzelo je 14 ponuđača i to:"SVJETLOST-BH PRINT" D.O.O. SARAJEVO, ŠTAMPARIJA

FOJNICA DD FOJNICA, ЕКАPIЈА DОО, BBS EUROPE, VILUX D.O.O. BANJA LUKA, AERO EXCLUSIVE DОО, R&S D.O.O. SARAJEVO, LIBER GRAF DОО, FCT D.O.O., AGRO-STROJ D.O.O. VITEZ, DEFTER DОО SARAJEVO, "ЦЕНТАР ЗА СЈЕМЕНСКО-РАСАДНИЧКУ ПРОИЗВОДЊУ" ДОБОЈ, PRIMAPROM DОО i NEUTRINO DОО.

Na adresu JU "Dom zdravlja" Zavidovići, za LOT 2 - KNJIGE dostavljene su dvije ponude i to: ŠTAMPARIJA FOJNICA DD FOJNICA i SVJETLOST BH PRINT D.O.O. SARAJEVO.

Nakon pregleda dostavljene dokumentacije Komisija za javne nabavke utvrdila je da obje ponude odgovaraju uslovima iz tenderske dokumentacije, odnosno da su prihvatljive ponude.

Procijenjena vrijednost javne nabavke iznosi **7.557,00 KM**.

U ovom postupku nabavke predviđeno je provođenje e-aukcije.

"E-Aukcija" je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Ugovorni organ odlučio je da e-aukciju zakaže za 23.08.2024. godine sa početkom u 09:30 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda sa uračunatim popustom i na osnovu kojeg je i zakazana e-aukcija bio je sljedeći:

Ponuđač:	ŠTAMPARIJA FOJNICA DD FOJNICA	SVJETLOST BH PRINT D.O.O. SARAJEVO	Najniža vrijednost ponude
Ukupan iznos bez PDV	7.381,65	7.503,00	7.381,65
Rang	1	2	

Ugovorni organ iz sistema e-nabavke, preuzeo je izvještaj o toku i završetku e-aukcije 23.08.2024.godine u 09:43 sati, te je nakon okončane e-aukcije nastavio rad na ocjeni ponuda u ovom postupku.

Iz izvještaja se može utvrditi da je u toku e-aukcije podnošena nova ponuda, te da je nakon okončane e-aukcije prvorangirani ponuđač **ŠTAMPARIJA FOJNICA DD FOJNICA** sa najnižom cijenom ponude u iznosu **7.380,00 KM bez PDV-a**, a drugi po rangju je ponuđač SVJETLOST BH PRINT D.O.O. SARAJEVO, sa ukupnom cijenom ponude u iznosu od 7.381,65 KM bez PDV-a.

Nakon provedenog postupka ocjene prihvatljivih ponuda i provedene e-aukcije, prema utvrđenom kriteriju-najniža cijena Komisija je dala preporuku da se prihvati ponuda ponuđača **ŠTAMPARIJA FOJNICA d.d. Fojnica** prihvati kao najpovoljniju za nabavku štampanog kancelarijskog materijala – LOT 2 - KNJIGE za JU «Dom zdravlja» Zavidovići, koja je u provedenom postupku javne nabavke, imala najnižu cijenu u ukupnom iznosu od **7.380,00 KM bez PDV-a**, što sa PDV-om iznosi 8.634,60 KM.

Cijeneći pravilnost provedenog konkurentskog zahtjeva za dostavu ponuda za nabavku štampanog kancelarijskog materijala – LOT 2 - KNJIGE za JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

**DOSTAVLJENO:**

1. ŠTAMPARIJA FOJNICA d.d. Fojnica,
2. SVJETLOST BH PRINT d.o.o. Sarajevo,
3. a/a.

**PREDSJEDNIK  
UPRAVNOG ODBORA**  
Mehić Elvir, dipl. pravnik

